



# MITIM JAROM blong Meksiko

Mitim ol Praemeri pikinini we oli stap helpem ol narafala man, semmak olsem we Jisas i bin mekem.



Evri samting abaot Jarom

LANWIS: Spanis

PLES: Meksiko Siti, Meksiko

YIA: 10

**OL GOL MO OL DRIM:**  
1) Blong kam dokta blong animol o man blong helpem tingting blong narafala man.  
2) Droem ol naes pikja.  
3) Tritim ol narafala man wetem lav mo kaen fasin.



**FAMLI:**  
Jarom, Mama, Papa mo tu brata.

## Ol Han blong Help blong Jarom

Jarom i gat tri smol dog. Wan long ol wok blong hem i blong fidim olgeta evri dei. Hem i lavem olgeta tumas. Jarom i wan gudfala boe we i save lisin gud mo wan gudfala misinari. Taem hem i kam blong save se bubuman blong fren blong hem i ded, Jarom i ringim fren blong hem. Jarom i lisin long hem. Hem i givim kamfot long fren blong hem mo talem long hem plan blong Papa long Heven blong yumi.

Hem i wantem ol fren blong hem blong oli hapi oltaem. Oltaem hem i tokbaot Jos long ol fren blong hem, mo invaetem olgeta long ol miting mo aktiviti blong Jos. "Taem yu prea, tingbaot ol fren blong yu mo ol famli," Jarom i talem. "Askem olsem wanem yu save helpem olgeta." ●



Jarom i folem Jisas taem hem i givim kamfot long ol narafala man. Tanem pej blong ridim wan stori abaot olsem wanem Jisas i bin promes blong givim kamfot.

OL PIKJA I KAMI LONG MIKE LAUGHEAD

## Ol Fevret Samting blong Jarom



**STORI ABAOT JISAS:**  
Taem Hem i bin helpem wan blaen man mo Hem i bin laef bakegen long ded



**OL PLES:**  
Park mo japel



**PRAEMERI SINGSING:**  
"When I Am Baptized"  
(Children's Songbook, 103)



**OL KAEKAE:**  
Pozol sop, poteto jips mo donat



**OL KALA:**  
Blu mo Pepol



**SABJEK LONG SKUL:**  
Histri mo Jiografi

**!Joenem Tim blong Ol Han blong Help!**



!Taem yu stap givim seves long ol narafala man, yu kam pat blong Tim blong Ol Han blong Help! ?Huia nao yu save givim seves long olgeta?